



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Malvm Svmmi Mali Sive De infinita grauitate peccati
mortalis Libri Qvinq[ve]**

Pelecyus, Johannes

Monachii, 1615

VI. Animæ ratione homo miser & infelix est.

[urn:nbn:de:hbz:466:1-52025](https://nbn-resolving.de/urn:nbn:de:hbz:466:1-52025)

men Deum audet homo flagitiosus offendere, contemnere, abiijcere, ô scelus. Quis Caucasus eum genuit? Quæ lupa eum nutrit? quæ eum Tygris educavit? In nihilum se redigat, obsecro, & in fauilla ac cinere pœnitentiam, per omnē vitam, agat, amoremq; ab æterno se amantē amet; & amicum antiquum non derelinquit; nouus enim non erit similis illi.

Eccles. 9. 14.

C A P V T VI.

Animæ ratione homo miser & infelix est.

Quām miser & infelix homo existat, generatim hactenus vidimus, cum in specie, tanquam Silenum quempiam Alcibiadis, ut est in proverbio, introspicere animus est. Et hoc quidem capite, quatenus is anima constat, quæ licet in se rationalis

tionalis sit, è cœlo hausta: men-
tis atque consilij particeps, ad
imaginem & similitudinem Dei
facta, & gratiæ, ac gloriæ in cœ-
lis capax, initio tamen conditio-
nis suæ, ut pote Adæ filia, pecca-
to originali obnoxia, gratia & vi-
ta supernaturali destituta, & ho-
mo, eius ratione, iræ & perditio-
ni subiectus fuit. Gratiam dein-
de illa quidem postea à Deo ac-
cepit, sed gratuitò & liberaliter;
eamque denuo, quæ summa mi-
seria & infelicitas est, amittere
potest, & verò eam quoque ali-
quando amittit. Trium deinde
potentiarum ac virium, ceu mé-
brorum suorum ratione, factio-
nibus variis misera, perturbata,
& propemodum euersa est, con-
cinnaque & debita symmetria
caret. Virtutum insuper, quæ
animæ potentiarumq; eius, qua-
dam ratione partes, perfectiones

certè

certè sunt, vel nullum, vel exiguum in homine studium appetet. Imago deinde Dei in illa deformata, & similitudo valde dissimilis facta est. Potētia executrix labefactata, ut & sensus illius famili; appetitionesq; , quæ illos consequuntur, effrānes planè sunt, frænumque eius mordent. Corpus ad seruiendum factum, animæ, proh dolor, dominatur, & cum Apeme Rhapfacis Themasini filia, Darij verò Persarum regis concubina, ad dexteram assidet, de capite eius diadema aufert, & malam sinistra manu ferit. Quo quid turpius ac detestabilius? De his omnibus sigillatim ideo agemus, ut liquidò appareat quām miser & infelix sit homo, quamq; graue & enorme sit peccatum mortiferum, quo Deus & turpiter, & flagitiosè ab illo offenditur.

CAPVII